



# СЛУЖБИ ВСЕМ СВАТЫМ, В ЗЕМЛЕ РОССИЙСКОЙ ПРОСЛАВИШИМ

совершаемая в Неделю 2-ю по Пятидесятнице

Творение священноисповедника Афанасия Сахарова, еп. Ковровского

## На малой вечерни

На Гóсподи, воззва́х: стихиры воскресны на 4, глас 1: Вечéрняя на́ша  
моли́твы: Обы́дите, лю́дие: Прииди́те, лю́дие: (зри на велицей вечерни)

Слава, святых, глас 4:

**Б**ожéственнии отцы́,/ бы́сте цвéти духо́внии Ру́ския  
земли́,/ похвала́ на́ша и утвержде́ние/ и всем благо-  
ути́шное пристáнище:/ о вас бо земля́ на́ша хва́лится,/  
стяжа́вши вас, яко неисто́щимое сокрови́ще,/ и ны́не, а́ще  
телéсне язы́к ваш умо́лче,/ но чудеса́ свидéтельствуот  
просла́вльшаго вас Гóспода./ Емúже моли́теся// дарова́ти  
душа́м на́шим ве́лию ми́лость.

И ны́не, Богородичен догматик, глас 1:

Дéвственное торже́ство днесь, бра́тие,/ да взыгра́ется  
тварь, да ликовству́ет челове́чество:/ созда́ бо нас Свята́я  
Богоро́дица,/ несквэ́рное сокрови́ще дéвства;/ словéсный  
втора́го Ада́ма рай;/ храни́лище Соеди́нения дву естеству́;/  
 торже́ство спаси́тельного примирéния;/ Черто́г, в нёмже

Сло́во уневѣстивый плоть воистину;/ лёгкий о́блак, иже над Херувімы Су́щаго с Тѣлом носі́вший./ То́я моли́твами, Христе́ Бо́же, // спаси́ ду́ши на́ша.

На стиховне едина стихира воскресна, глас 1: Стра́стию Твоёю, Христе́: (зри на велицей вечерни)

Таже стихиры всех русских святых, глас 8.

Подобен: О, пресла́внаго чудесе́:

**Стих:** Бог нам прибѣжище и си́ла, / Помо́щник в ско́рбех, обрѣтших ны зело́.

**О** пресла́внаго чудесе́! / На Небеси́ и на земли́ ра́дость / днесь возсия́ в па́мять всех ру́сских святы́х: / от Ангел хвала́ми венча́ются / и от челове́к пѣния приѣмлют. / О, ка́ко в странѣ на́шей подвиза́шася, / ка́ко Бо́гу угоди́ша, / и́миже враг паде́ лука́вый, // Христу́ побѣждшу то́го.

**Стих:** Госпо́дь сил с на́ми, / Засту́пник наш, Бог Иа́ковль.

**О**, пресла́внаго чудесе́! / Чудес светлостью́ / со́лнца светлѣйше / прісно святіи срóдницы на́ши / свѣтят конце́м Ру́сския земли́, / от невечѣрняго Свѣта облистáеми, / и́хже сия́нии / о́блацы от страны́ на́шея отгоня́ются ва́рварстии // и де́мони побежда́ются.

Слава, глас и подобен тойже:

**О**, пресла́внаго чудесе́! / Христа́ ра́ди подвиза́выйся / треблаже́нный собо́р ру́сских святы́х / ко враго́м Святы́а Русі́ / всегда́ явля́ется ору́жие обоюдоу́строе, / пожина́я сих вышѣния. / Те́мже к нему́ возопи́м: / святіи срóдницы на́ши, покрыйте и ны́не нас, // ве́рою почита́ющих вас от любве́ всегда́.

И ныне, Богородичен, глас и подобен тойже:

**О**, пресла́внаго чудесе́! / Небесе́ и земли́ Цари́ца, / от святы́х срóдников на́ших умоля́емая, / до ны́не зѣмлю Ру́сскую покрывáет / и ли́ка Своего́ изображе́нии ми́лостивно обогаща́ет. / О, Влады́чице Держа́вная! / Не престáни

и на б́удущее время/ во утвержд́ение на Рус́и Правосла́вия//  
м́лости и чудеса́ изливáти до в́ека. Амíнь.

Или ин Богородичен, глас 4:

Прíсно страна́ Россíйская/ о Теб́е хва́лится и весе-  
лится,/ имúщи Тя Застúпницу непосты́дную/ и стéну не-  
руш́имую,/ не оскуд́ей и ны́не, Влады́чице,// избавля́ти  
Твоя́ лю́ди от всех бед.

По Ны́не отпу́щáеши: тропарь воскресен, глас 1: Ка́мени запечáтану:  
Слава, святых, глас 8: Якоже плод: И ны́не, глас 4: Застúпнице усérдная:

Тропарь святых, глас 8:

**Я**коже плод крáсный Твоегó спасíтельного сéяния,/  
земля́ Россíйская принóсит Ти, Гóсподи,/ вся святы́я,  
в той просия́вшая./ Тех моли́твами в мíре глубóце// Цérковь  
и страну́ нáшу Богорóдицею соблюди́, Многом́лостиве.

Слава, и ны́не, Богородичен, глас 4:

Застúпнице усérдная,/ Мáти Гóспода Вь́шняго,/ за всех  
мо́лиши Сы́на Твоегó, Христа́ Бóга нáшего,/ и всем твори́ши  
спаст́ися,/ в держáвный Твой покрóв прибега́ющим,/ всех  
нас заступ́и, о Госпоже́ Цари́це и Влады́чице,/ иже в напá-  
стех, и скóрбех, и болéзнях обремен́енных грехí мно́гими,  
предстоя́щих и моля́щихся Теб́е умилен́ною душо́ю/ и со-  
круше́нным сёрдцем/ пред пречíстым Твои́м о́бразом со  
слезáми/ и невозврат́но наде́жду имúщих на Тя/ избавл́ения  
всех зол,/ всем полéзная дáруй/ и вся спаси́, Богорóдице  
Дéво,// Ты бо еси́ Божéственный покрóв рабóм Твои́м.

Ектении и отпуст.





## На велицей вечерни

По предначинательном псалме, Блажен муж: кафизма вся.  
На Господи, воззвах: стихиры на 10, воскресны 3 и Анатолиева 1.

Глас 1.

**Стих:** Изведи из темницы душу мою, / исповедатися имени Твоему.

**В**ечерняя наша молитвы / прими, Святыи Господи, /  
и подаждь нам оставление грехов, / яко един еси //  
явлей в мире Воскресение.

**Стих:** Мене ждут праведницы / дондеже воздаси мне.

**Обыдите, людие, Сион, / и обымите его, / и дадите славу в нем Воскресшему из мертвых: / яко Той есть Бог наш, // избавлей нас от беззаконий наших.**

**Стих:** Из глубины воззвах к Тебе, Господи, / Господи, услыши глас мой.

**Приидите, людие, / воспойм и поклонимся Христу, / славяще Его из мертвых Воскресение: / яко Той есть Бог наш, // от прелести вражия мир избавлей.**

**Стих:** Да будут уши Твои, / внимлюще гласу моления моего.

**Веселитесь, небеса, вострубите, основания земли, / возопийте, горы, веселие: / се бо Емануил грехи наша на Кресте пригвозди / и, живот дай, смерть умертви, // Адама воскресивый, яко Человеколюбец.**



Стихиры святых 6, глас 3.

Самогласны:

**Стих:** Аще беззаконія на́зриши, Гóсподи, Гóсподи, кто посто́ит? / я́ко у Тебе́ очище́ние есть.

**П**риидите, собóри Россíйстии, / сущия в странé на́шей  
святы́я восхва́лим: / преподо́бныя, и иерáрхи, и кня́зи  
благове́рныя, / мученики и священномученики, / и Христá  
ра́ди юродивыя, / и жен святых сослóвие, / вкúпе имену́е-  
мыя и неимену́емыя, / сии бо во́истинну дéлы и словесы́,  
и многовídным житиём, / и от Бóга даровáнии / соделáшася  
святíи / и Русí тезоимéние свýтости пода́ша, / ихже и грóбы  
Бог чудесы́ прослáви, / и ны́не несредственне прослáвль-  
шему их Христú предстояще, / мо́лятся прилэжно о нас, //  
любóвию соверша́ющих свéтлое их торжество́.

**Стих:** Имене ра́ди Твоего́ потерпéх Тя, Гóсподи, потерпé  
душá моя в слóво Твое, / упová душá моя на Гóспода.

**П**риидите, правослáвия любите́лие, / пéсненными  
добрóтами похва́лим богомúдрыя святítели Россíйския, /  
Христóвы Цéркве свéтлое украше́ние, / священства венцы́,  
благочéстия прáвило, / исто́чники Божéственных исцелé-  
ний неисчерпа́емыя, / пролётие дарóваний духóвных, /  
рэки мно́гих чудес, зéмлю Рýсскую веселя́щия течéнием, /  
благове́рным лю́дем тёплыя посóбники, / ихже ра́ди Христóс  
врагов возноше́ния низложí, // имéяй вéлию мíлость.

**Стих:** От стра́жи úтренния до но́щи, от стра́жи úтренния, /  
да упováет Изра́иль на Гóспода.

**З**емля́ веселíтся и Не́бо радуется, / отцы́ преподо́б-  
нии, / восхваля́юще пóдвиги и труды́ ва́ша, / душе́вное  
благомóщие и умá чистоту́, / за́коном бо естества́ не по-  
бедíстеся. / О, собóре святый и пóлче Божéственный, //  
земли́ на́шея утвержде́ние вы естé во́истинну.

Ины стихиры, глас 8. Самогласны:

**Стих:** Яко у Гóспода мѣлость, и мно́гое у Него́ избавлѣние:/ и Той избáвит Израїля от всех беззакóний его́.

**Блажѣннии богомúдрии князие Россійстии,/ правосла́вною мúдростию сия́ющи,/ добродѣтелей же свѣтлостію блиста́ющи,/ озаря́ете вѣрных исполнѣния,/ бесóв тьму отгоня́юще;/ тѣмже, я́ко причáстники невечѣрнія благода́ти/ и наслѣдія ва́шего хранітели непосты́дныя,// вас почита́ем, досточúднии.**

**Стих:** Хваліте Гóспода вси язы́цы,/ похваліте Его́ вси лю́дие.

**Мúченицы Христóвы преблажѣннии,/ на во́льное заколѣние са́ми себѣ преда́сте,/ и зѣмлю Рúсскую кровью́ ва́шими освяті́сте,/ и возду́х просветі́сте преставлѣнием;/ ны́не же живете́ на Небесѣх,/ во свѣте невечѣрнем,// о нас всегда́ моля́щися, боговúдцы.**

**Стих:** Яко утверди́ся мѣлость Его́ на нас,/ и ѣстина Господня́ пребывáет во век.

**Блажѣннии Христа́ ра́ди юрóдивии и прáведнии,/ в Россіи просія́вши,/ вы, отвержѣнием себѣ Христу́ послѣдовавше,/ мудре́йшим юрóдством прехітрили есте́ диáвола,/ сего́ связáвше пóдвиги ва́шими,/ и, богáтство нося́ще в души́ некра́домо,/ вся Христóва учѣнія дѣлом исполните,/ и, ны́не на Небесѣх ликую́ще,/ не преста́йте молітися о Рúсстей земли́// и о всех почита́ющих вас.**

Слава, глас 1:

**Веселіся о Гóсподе, Русь Правосла́вная,/ раду́йся и ликуй, вѣрою свѣтло оде́явшись,/ телеса́ подви́жников вѣры и свидѣтелей ѣстины/ в нѣдрех своіх имúщи, я́ко сокровище,/ наслади́ся чудѣс, от них истека́ющих,/ и, видя́щи полк сей святы́й,/ от вѣдимых и невѣдимых враго́в тя огражда́ющий,/ благодарно Спа́су возопій:// Гóсподи, слава Тебѣ.**

**И ныне, Богородичен, глас 1:**

**Всемірную славу,/ от человек прозябшую/ и Владыку рождшую,/ Небесную дверь воспоим, Марию Деву,/ Безплотных песнь и верных удобрение:/ Сия бо явися небо и храм Божества,/ Сия, преграждение вражды разрушивши,/ мир введе и Царствие отверзе,/ Сию убо имуще веры утверждение,/ Поборника имама из Нея рождшагося Господа./ Дерзайте убо, дерзайте, людие Божии,/ ибо Той победит враги, // яко Всесилен.**

**Вход. Свете тихий:**

**Прокимен дне: Господь воцарися: и чтения три.**

**Пророчества Исаиина чтение (глава 49, ст. 8–15):**

**Т**ако глаголет Господь: во время приятное послушах ты и в день спасения помогох тебе. И создах ты и дах ты в завет языков, еже устроить землю и наследити наследие пустыни. Глаголюща сущим во узах: изыдите! И сущим во тьме: открыйтесь! На всех путех пасться будут, и на всех стезях пажить их. Не взалчут, ниже вжаждут, ниже поразит их зной, ниже солнце, но Милуяй их утешит я и сквозе источники вод проведет я. И положу всякую гору в путь и всякую стезю в паству их. Се сии издалеча приидут, сии от севера и моря, инии же от земли Персския. Да веселятся Небеса, и радуется земля, да отрыгнут горы веселие и холми правду, яко помилова Бог люди Своя и смиренныя людей утешит. Рече же Сион: остави мя Господь, и Бог забы мя. Еда забудет жена отроча свое? Или не помилует исчадия чрева своего? Аще ли же и сих забудет жена, но аз не забуду тебе, — глаголет Господь.

**Премудрости Иисуса, сына Сирахова, чтение (глава 44, ст. 1–14):**

**Восхвалим убо мужи славны и отцы наша в бытии. Многу славу созда Господь в них величием Своим от века. Господствующе в царствиих своих и мужи, именити силою, советующе разумом своим, провещавшии во пророчествах; старейшины людей в советех и в разуме писания людей. Премудрая словеса в наказании их; ищуща гласа мусикийска и поведающе повести во писаниих, мужи богати, обдаровани крепостию, мирно живуща в жилищих своих. Все сии в родех прославлени быша, и во**

дней их похвалá. Суть от них иже оставиша имя, еже повéдати хвалы́. И суть, ихже несть пáмяти, и погибóша, яко не сущии, и быша яко не бывше, и чада их по них. Но сии мýжие милости-вии, ихже правды не забвены быша, с семенем их пребúдет дóброе наследие, изчáдия их в заветех. Оста́ся се́мя их и чада их по них, до вéка пребúдет се́мя их, и сла́ва их не потреби́тся. Телеса́ их в ми́ре погребéна быша, а имена́ их живúт в рóды. Премúдрость их повéдят лю́дие, и похвалу́ их испове́сть Цéрковь.

**Премудрости Соломоновы чтение (глава 3, ст. 1–9):**

Праведных дýши в руцé Бóжией, и не прикóснется их мýка. Непщевáни быша во очесéх безúмных умрети. И вмени́ся озлоблэние исход их. И еже от нас шéствие — сокрушэние, онí же суть в ми́ре. Ибо пред лицéм человéческим áще и мýку при-имут, уповáние их безсмéртia испóлнено. И вмáле наказáни бывше, вели́кими благодéтельствования бúдут, яко Бог искуси́ я и обрете их достóйны Себé. Яко злáто в горни́ле, искуси́ их и, яко всеплóдие жéртвенное, прият я, и во врéмя посещэния их возсия́ют и, яко и́скры по стéблию, потеку́т. Сúдят язы́ком и облада́ют людьми́, и воцари́тся Госпóдь в них во вéки. Надéющиеся Нань уразуме́ют и́стину, и вёрнии в любви́ пребúдут Емú. Яко благодáть и мило́сть в преподóбных Егó и посещэние во избрáнных Егó.

**На литии стихиры святых вси.**

**Самогласен, глас 8:**

**Г**раду́йтесь с на́ми, вси ли́цы святы́х/ и вся а́нгельская  
чиноначáлия,/ духо́вне совоку́плшесь,/ при́йдем и  
воспо́им благодарную́ песнь Христу́ Бóгу:/ се бо безчи́с-  
ленный сонм срóдников на́ших/ предстои́т Царю́ Сла́вы/  
и моле́бно ходата́йствует о нас./ Сии́ суть столпи́ и кра-  
сота́ вéры правосла́вныя;/ сии́ учéнии, и дéлы, и крове́й  
излия́нии/ Цéрковь Бóжию просла́виша;/ сии́ от всех  
предéл земли́ на́шея возсия́ша,/ и вéру Правосла́вную в  
ней/ чудесы́ и зна́мении утверди́ша,/ и во ины́я страны́  
пронесóша,/ апóстольски ревну́юще;/ инии́ же пусты́ни  
и гра́ды обите́льми святы́ми украси́ша,/ а́нгельское житиé  
показу́юще;/ мно́зи ругáнии, и рáнами, и лю́тою смéртию/



от сынóв вѣка сегó искуси́шася, / мнози же и инѣми ви́ды, / во вся́цем чѣне подви́завшеся, / нам терпѣния и злострада́ния о́браз пода́ша, / и вси вку́пе мо́лят ны́не Го́спода / от бед изба́витися оте́честву на́шему // и всем нам спасти́ся.

Ины стихиры, подобны на осмь гласов.

**Глас 1.**

Подобен: О, дѣвное чѹдо:

**О** дѣвное чѹдо! / Исто́чницы благоче́стия / в Росси́и явля́ются, / и путево́дителие к Небеси́ святы́и срóдницы нам быва́ют. / Весели́ся, Русь Правосла́вная, / сих оте́чество земно́е. / Возопи́йм, вѣрнии, / таковы́я иму́ще в беда́х заступни́ки: / блаже́ннии и святы́и, / Бо́га не преста́йте о нас моли́ти, / подаю́щего ва́ми // земли́ на́шей ве́лию ми́лость.

**Глас 2.**

Подобен: Егда́ от Дре́ва:

**С**вѣтите оте́честву ва́шему всегда́, / сла́внии чудотво́рцы ру́сстии, / я́коже зве́зды свѣтлыя, / покрыва́ете бо при́сно си́е от па́губы враго́в / и избавля́ете озлобле́ния и бу́ри вся́кия. / Те́мже ра́достно пра́зднует, / ле́тнюю па́мь, блаже́ннии, соверша́юще, / ве́рою и любóвию пою́ще Го́спода, // вас просла́вльшаго.

**Глас 3.**

Подобен: Ве́лия му́ченик:

**Ве́лия** святы́х Твои́х, Христе́, си́ла: / во гробѣ́х бо лежа́ще, / ду́хи прогоня́ют / и упраздни́ша вра́жию вла́сть, / ве́рою Трóическою подви́гшеся // во благоче́стии.

**Глас 4.**

Подобен: Дал еси́:

**Дал еси́** зна́мение / боя́щимся Тебе́, Го́споди, / Крест Твой че́стны́й, / имже ти́и, посра́мивше / нача́ла тьмы и вла́сти, / на Святе́й Руси́ / правосла́вие утверди́ша. / Те́мже Твое́ человеколю́бное смотре́ние сла́вим, / Иису́се всеси́льне, // Спа́се душ на́ших.

**Глас 5.**

**Подобен:** Рáдуйся:

**Приидíte, Небéснии предстáтелие нáши, к нам, /  
вáшего трéбующим мíлостивнаго посещéния, / и избáвите  
озлóбленныя мучíteльскими прещéнии / и лютаго нейс-  
товства неверных, / от нíхже, я́ко плéнницы и нáзи, гонíми  
есмы, / от мéста на мéсто чáсто преходяще / и заблуждáюще  
в вертéпех и горáх. / Ущéдрите úбо, прехвáльнии, / и дáруйте  
нам осла́бу, / утолите бúрю / и угасíte éже на ны негодо-  
вáние, / Бóга моляще, // подаю́щаго вáми земли нáшей  
вéлию мíлость.**

**Глас 6.**

**Подобен:** Все отлóжше:

**Все отложíвше / житéйское томлéние / и слáдость  
теку́щую презрéвше, / крест взя́сте, я́ко и́го Божéствен-  
ное, / и Христú последовáсте, / и к Небéсному поко́ю чúдно  
вселíстеся. / О друзи Христóви, сосúди честнii, / свя-  
тii вси, в Росси́и просия́вши, / приидíte посреде́ нас  
невíдимо, / предначина́юще торжество́ и пéние / и спо-  
добля́юще дарóв невещéственных // ваш прáздник совер-  
ша́ющих светолéпно.**

**Глас 7.**

**Подобен:** Не кому́ возбраня́еми:

**Не лишéни есмы́ надéжды спасéния, / святýя бо срóдники  
нáша и́мамы, / о нас моля́щихся. // Гóсподи, сла́ва Тебé.**

**Глас 8.**

**Подобен:** Гóсподи, áще и суди́щу:

**Гóсподи, / áще и нам по всему́ подóбни бы́ша святii, /  
но, пристра́стия земна́го отвéргшеся, / любóвию к Тебé  
крéпко привязáшася, / и, венчáвшеся ны́не / руко́ю Твоéю, //  
предзащища́ют дúши нáша.**

**Слава, и ныне, глас тойже, Богородичен.**

**Самогласен:**

**Сра́дуйтеся с нáми, úмная чиноначáлия, / духóвный  
совоку́пльше лик, / видя́ще Цари́цу и Влады́чицу всех, /**

многоименне верными славиму:/ радуются же и души праведных,/ сущии зрители видения,/ на воздухе молебно простирающе всечестней Своей руке,/ просяще умирения миру,/ и стране Российстей утверждения, // и спасения душ наших.

**На литии в молитве:** Спаси, Боже: и в молитве же: Владыко, Многоимлостиве: поминает предстоятель всех русских святых (зри приложение, стр. 67).

На стиховне стихиры воскресны,

глас 1.

**С**трастию Твоею, Христе,/ от страстей свободихомся,/ и Воскресением Твоим из исления избавихомся, // Господи, слава Тебе.

**Стих:** Господь воцарися,/ в лепоту облечеса.

Да радуется тварь, Небеса да веселятся,/ руками да восплещут языцы с веселием:/ Христос бо, Спас наш,/ на Кресте пригвозди грехи наша/ и, смерть умертвив, живот нам дарова,/ падшаго Адама всероднаго воскресивый, // яко Человеколюбец.

**Стих:** Ибо утверди вселенную,/ яже не подвижится.

Царь сый Небес и земли, Непостижимо,/ волею распялся еси за человеколюбие./ Егоже ад срет доле, огорчися,/ и праведных души, приемша, возрадовашася,/ Адам же, видев Тя, Зиждителя, в преисподних, воскресе./ О, чудесе! Како смерти вкуси всех жизнь?/ Но якоже восхотел мир просветити, зовущий и глаголющий:/ воскресый из мертвых, // Господи, слава Тебе.

**Стих:** Дому Твоему подобает святыня, Господи,/ в долготу дней.

Жены мирносицы, мира носяща,/ со тщанием и рыданием гроба Твоего достигоша/ и, не обреша пречистаго Тела Твоего,/ от Ангела же уведевша новое и преславное чудо,/ апостолом глаголаху: воскресе Господь, // подавая миру велию милость.

Аще изволит настоятель, поем на стиховне стихиры русским святым.

Глас 2.

Подобен: Дóме Евфрафов:

**З**емле Русская, / граде святыи, / украшай твой дом, /  
в немже Божественный // велии сонм святых прослави.

**Стих:** Господи, Господь наш, / яко чудно имя Твое по  
всей земли.

**Церковь** Русская, / красуйся и ликуй, / се бо чада твоя /  
Престолу Владычню // во славе предстоят, радуящиеся.

**Стих:** Святым, иже суть на земли Его, / удиви Господь  
вся хотения Своя в них.

**Соборе** святых русских, / полче Божественный, /  
молитесь ко Господу / о земном отечестве вашем // и о почи-  
тающих вас любовью.

Слава, глас и подобен тойже:

**Новый** доме Евфрафов, / уделе избранныи, / Русь Свя-  
тая, / храни веру Православную, // в нейже тебе утверждение.

И ныне, глас и подобен тойже:

**Вышнии** лица, / Богородице Дево, / поют с нижними, /  
славяще непрестанно // Рождество Твое Пречистое.

Ин Богородичен, глас 8.

Подобен: О, преславнаго чудесе:

**О,** преславнаго чудесе! / Небесе и земли Царица, /  
от святых сродников наших умоляемая, / до ныне землю  
Русскую покрывает / и лика Своего изображении милостив-  
но обогащает. / О Владычице Державная! / Не престани и  
на будущее время / во утверждение на Руси Православия //  
милости и чудеса изливати до века. Аминь.

На благословении хлебов Богородице Дево: дважды, и тропарь святых,  
глас 8:

**Я**коже плод красный Твоего спасительнаго сеяния, /  
земля Российская приносит Ти, Господи, / вся святые,  
в той просиявшия. / Тех молитвами в мире глубоче // Церковь  
и страну нашу Богородицею соблюди, Многомилостиве.